



STINAPA TA INFORMA

E AWA SUSHI EI???

E tin 23 aña di eksperensha komo empleada na un hoyeria konosí. Norma Rosario, mama di 1 yu, ademas di su trabou gusta kana, meditá i praktiká yoga. Norma ta enkantá ku e trankilidat i airu limpi i fresku ku Boneiru ta ofresé. P'e e laman boneriano ta e promé kos ku e ta sinti'é orguyoso di dje. Norma a biaha hopi i kada biaha ku nan mustr'é 'laman' e ta kontestá mesun kos. "Laman???" Ta esaki boso ta yama laman?" Por lo general Norma gusta pa ta den kunuku, lokual e mes ta yama 'kana den bèrde'. E ta splika ku aki bo por wak i skucha bestianan mihó. Pues skucha e diferente zonidonan ora nan ta alegre, den peliger èts. "Mi por kore e kaminda di Rincon den 'slowmotion' i disfrutá di e naturalesa kant'i kaminda. "Pa Norma asta den 'onkruid' bo por nota bunitesa ya ku nan tin diferente koló i forma. Ounke e tin miedu di landa, tòg e por sinta oras i disfrutá di e zonido, speshalmente ora e ke trankilidat. Nos ta dependé di turismo pa nos entrada. Norma ta sigui akklará ku nos no tin turismo di kasino òf pakusnan grandi, pues ta pa e naturalesa e turista ta bini. E mes ta eksperenshá ku durante su trabou, tur turista kier algu 'natural' di Boneiru. E forma mas bendí ta di piská, seguidamente e turtuga, yuana i kokolishi. Sin e forma di e bestianan aki, nan no ta bende masha suvernir. Nos tin ku kuida nos naturalesa. I motivá nos hubentut tambe. Norma ta pidi pa no tira nada den naturalesa ku por kous'é daño. E ta sigui konta kon turistanan di barku krusero ta keda bis'é kon limpi Boneiru ta kompará ku e otro islanan ku nan ta bishitá. "Beautiful, clean, clean island," Norma ta imitá e bos di e turistanan. E ta hari ora e rekordá kon un turista a kont'é kon un mucha boneriano, den unifòrm di un skol básiko, a aserk'é ora el a benta un papel abou. E mucha a trese e papel bèk p'e i a bis'é pa tene Boneiru limpi. El a hari i puntra Norma e nifikashon di 'limpi'. "Di manera ei el a admirá i komprondé dikon nos isla ta asina limpi ya ku fo'i chikitu nos muchanan a siña asina!" Norma ta konkluí ku un kara satisfecho. *Skirbí pa Natalie Wanga.*

Pa mas informashon i reakshon: STINAPA, telefon 717 - 8444, info@stinapa.org

NOS TA BIBA DI NATURALES



Traha huntu na un desaroyo duradero pa Boneiru